

Nastava u osnovnim i srednjim školama odvijat će se prema utvrđenom rasporedu. Školski čas traje 30 minuta.  
Mali odmor traje 5 minuta, a veliki 10 minuta (za užinu).

U vrijeme trajanja odmora, učenicima nije dozvoljen izlazak iz učionice. Učenicima je dozvoljen izlazak iz učionice isključivo nakon okončane nastave ili radi korištenja toaleta, ali uz poštivanje distance, što je dužno osigurati pomoćno-tehničko osoblje i dežurni nastavnici.

Učenici i nastavnici su dužni nositi zaštitne maske dok traje nastava. U izuzetnim okolnostima nastavnik može zatražiti od učenika da ne koristi masku prilikom usmenog ispitivanja.

Učenici sa hroničnim oboljenjima i učenici koji u zajedničkom domaćinstvu imaju osobe sa hroničnim oboljenjima, stare i iznemogle osobe i druge osobe iz rizičnih skupina, nisu u obavezi pohađati redovnu nastavu u školi, ukoliko to roditelj zahtijeva. Da bi iskoristili navedenu mogućnost, isti su dužni dostaviti preporuku porodičnog ljekara.

Učenicima iz prethodnog stava predmetni nastavnici će iz škole dostaviti materijale sa uputama za samostalno učenje elektronskim putem, ukoliko ne budu pohađali nastavu u školi.

Učenici sa smetnjama u razvoju uključuju se u nastavni proces kao i djeca tipičnog razvoja, s tim da je neophodno poštovati vrstu smetnje. Učenicima koji ne budu pohađali redovnu nastavu u školi, predmetni nastavnici ili asistenti u nastavi u suradnji sa roditeljima, dostavit će nastavne materijale i upute za rad za usvajanje nastavnih sadržaja.

Roditelji/staratelji učenika, koji usljed navedenih okolnosti ne budu pohađali redovnu nastavu u školi, podnijet će pismeni zahtjev školi za dostavljanje nastavnih materijala elektronskim putem sa uputama za samostalno učenje.

